

醫

燈

續

焰

醫燈續焰卷十四

錢塘後學潛 輯碩甫註

同邑社盟王聖翼佑賢評

葉 鼎燹周

門人孫 標振宜校

胡靖策我屏

肺癰脉證第七十五

肺癰已成。寸數而實。肺痿之形。數而無力。肺癰色白。

亡津液而虛
為肺痿熱迫
結聚為肺癰
二者治自迥
別

脉宜短澁。不宜浮大。唾糊嘔血。

金匱要略問曰。熱在上焦者。因欬為肺痿。肺痿之病。何從得之。師曰。或從汗出。或從嘔吐。或從消渴。小便利數。或從便難。又被快藥下利。重亡津液。故得之。曰。寸口脉數。其人欬。口中反有濁唾涎沫者何。師曰。為肺痿之病。若口中辟辟燥。欬即胸中隱隱痛。脉反滑數。此為肺癰。欬唾膿血。脉數虛者為肺痿。數實者為肺癰。○又問曰。病欬逆。脉之。何以

之行乃
主風
而風
故而
主矣
主生

公下
之
之
之

知此爲肺癰。當有膿血吐之則死。其脉何類。師曰。
寸口脉微而數。微則爲風。數則爲熱。微則汗出。數
則惡寒。風中于衛。呼氣不入。熱過于榮。吸而不出。
風傷皮毛。熱傷血脉。風舍于衛。其人則欬。口乾喘
滿。咽燥不渴。時唾濁沫。時時振寒。熱之所過。血爲
之凝滯。蓄結癰膿。吐如米粥。始萌可救。膿成則死。
○又云。肺痿吐涎沫而不欬者。其人不渴。必遺尿
小便數。所以然者。以上虛不能制下故也。此爲肺

肺乃肺竅
和氣通自然
之理因氣知
氣亦自然之
理

中冷必眩。多涎唾。甘草乾薑湯以溫之。若服湯已。
渴者。屬消渴。又云。肺癰喘不得卧。葶藶大棗瀉
肺湯主之。又云。欬而胸滿。振寒脉數。咽乾不渴。
時出濁唾。腥臭。久久吐膿如米粥者。爲肺癰。桔梗
湯主之。又云。肺癰胸滿脹。一身面目浮腫。鼻塞
涕出。不聞香臭。酸辛。欬逆上氣。喘鳴迫塞。葶藶
大棗瀉肺湯主之。已上數條。金匱要略辯肺痿肺
癰之所成不同也。其言證在上焦者。痿癰皆有熱

人矣

醫 歷 續 留

卷十四

111

生進子

既涸。脉應濇滯。而反滑數者。蓄熱腐化。挾有膿血之象。卽謂之數實亦可。次條云。寸口脉微而數者。以衛踈故微。邪鬱故數。衛踈邪鬱。故汗出表熱。而且惡寒也。此言風之初襲。邪猶在表。不入于裏。唯隨呼出。中于衛。而外傷皮毛。鬱而爲熱。其熱則不出于外。唯隨吸入。過於榮。而內傷血脉。夫衛者。主表。主皮毛。陽也。風客之。則內關于肺。肺氣壅逆。故欬而喘滿。衛主氣。肺亦主氣。口咽爲氣之門戶。氣

肺癰亦是急
証候成則癰
已傷豈得
不及

不通調則津液不周布故口乾咽燥或有時反嘔
濁沫以熱不在胃故不渴衛疎邪客時爲振寒此
皆風中於衛激動肺氣之證驗也榮主裏主血脉
陰也熱迫之則內及于脉肺朝百脉而行榮衛况
邪自皮毛始皮毛者肺之合由合入肺肺受其熱
血爲之凝結久則腐敗爲膿隨吐而出如米粥此
皆熱過于榮敗傷肺體之證驗也始萌則在陽在
衛屬氣分故云可救久則入陰傷血脉傷藏體故

肺受命于脾
稊母者所以
治其源也

云膿成則死。三條所云肺痿者。虛寒之痿。痿之變也。肺虛而寒。則液不流布。故亦吐涎沫。無熱迫肺。則肺氣不逆。故不欬。無熱。故不渴。肺居最上。爲諸氣之總司。而通調水道。下輸膀胱。遺尿小便數者。肺氣虛冷。有失通調之職。所謂不能制下也。氣虛于上。故眩。治以甘艸。乾薑湯者。薑以溫冷。艸以補虛。艸補土而不補金者。虛則補其母耳。服此溫劑而渴者。肺中必熱。是知遺尿便數。非痿證。乃消渴。

也。卽氣厥論所謂一洩二。肺消之屬。下四條所載。已成癰。未成癰。皆肺氣壅塞之有餘者。前二條論中。頗悉其義。而阜角。葶藶。桔梗輩。亦皆下氣瀉壅開結之藥。以方合證。理可想見。故不重解也。本文云。肺癰已成。寸數而實者。卽要略所謂脉數實者。爲肺癰。肺痿之形。數而無力者。卽要略所謂脉數虛者。爲肺痿。必候于寸者。以肺居最上也。時癰色白。脉宜短濇者。言其面色白。爲肺色。短濇。爲肺

脉色脉與證相符。故宜也。若脉浮大。是爲火象。唾如米糊。嘔見膿血。是火尅金。肺藏已傷。宜乎。

附方

金匱甘艸乾薑湯

甘艸

四兩

乾薑

二兩

右咬咀。以水三升。煮取一升五合。去滓。分溫再服。

金匱葶藶大棗瀉肺湯 治肺癰喘欬。不得卧。或

鼻塞清涕。不聞香臭酸辛。上氣迫塞。服此湯可

先服小青龍湯一劑。乃進此。

小青龍湯方見第十六

葶蘆

熬令黃色搗丸如彈子大

大棗

十二枚

右先以水三升。煮棗取二升。去棗。內葶蘆煮取一升。頓服。

桔梗湯 亦治血痺。今人用此爲咽喉諸證要藥

見第三十二

炙甘草湯

見第三十三

千金甘艸湯 治同桔梗湯。

甘艸

右一味以水三升。煮減半。分溫三服。

千金生薑甘艸湯 治肺痿欬唾涎沫不止。咽燥而渴。

生薑

五兩

人參

三兩

甘艸

四兩

大棗

十五枚

右四味以水七升。煮三升。分溫再服。

千金桂枝去芍藥加皂莢湯。治肺痿吐涎沫。

桂枝

生薑

各三兩

甘草

二兩

大棗

十枚

皂莢

一枚去皮子炙焦

右五味。以水七升。微微火煮取三升。分溫三服。

外臺桔梗白散。治欬而胸滿。振寒脉數。咽乾不

渴。時出濁唾腥臭。久久吐膿如米粥者。爲肺癰。

桔梗

去蘆

貝母

去心各三分

巴豆

一分去皮熬

右三味爲散。強人飲服半錢匕。羸者減之。病在

膈上者吐膿血。膈下者瀉出。若下多不止。飲冷水一杯則定。

千金葦莖湯 治欬有微熱。煩滿。胸中甲錯。是為

肺癰。

葦莖

升二

薏苡仁

升半

桃仁

粒五十

瓜瓣

升半

右四味。以水一斗。先煮葦莖得五升。去滓。內諸

藥。煮取二升。服一升。再服。當吐如膿。

佐醫白瓜瓣
須用苦絲瓜
粉

瀉白散 治肺癰

桑白皮炒二錢 地骨皮去骨 甘草炙

貝母去心 紫苑 桔梗炒

當歸酒拌各一錢 瓜蒌仁一錢半

作一劑。水一鍾。薑三片。煎八分。食遠服。

立齋云。此方乃瀉肺邪消毒之劑也。若喘咳唾痰沫。肺脉浮數者。用之有效。

四物湯 治肺癰吐膿。五心煩熱。壅悶欬嗽。

白治肺
用桔梗
此藥開
肺氣故也

貝母

去心

紫苑

去苗土

桔梗

炒各兩

甘艸

炙半兩

右搗篩。每服三錢。水一盞。煎五七沸。去滓。不拘時。稍冷服。如咳嗽甚。加去皮尖杏仁三枚同煎。小兒量減。

肺壅神方

用薏苡米爲末。糯米飲調下。或入粥內煮喫亦可。一方用水煎服。當下膿血便愈。

此散治肺
癰大渴先開
通導散次清
涼後補養二
方乃後局藥
也

佐醫日用藥
有先後不可
不知有用白
散一法治此
亦妙

濟生排膿散

治肺癰得吐膿後以此排膿

生綿黃耆二兩細末每二錢水一盞煎五分服

排膿散

黃耆

鹽水
并炒

白芷

五味子

并炒

人參

各等
分

為細末每服三錢食後蜜湯調下

肺癰收口方

肺癰收斂瘡口止有合秋樹皮或白斂煎湯飲

之。然不可飲於未吐膿血之先也。

又肺癰方

野毛栗根二兩。水二鍾。煎五分服。覺肺中微有聲。數次卽愈。

治吐膿血方

吐膿血如肺癰。口臭。他方不應。宜消風散。入男子髮灰。清米湯下兩服。

又治肺癰方

鮮百合搗汁。酒和服。六七次愈。

試肺癰法

凡人覺胸中隱隱痛。咳嗽有臭痰。吐在水內。沉者是癰膿。浮者是痰。

腸癰脉證第七十六

腸癰實熱。滑數可知數而不熱。關脉芤虛。微瀉而緊。未膿當下。緊數膿成。切不可下。

腸癰者。腸內生癰也。大腸小腸皆有之。大抵得之

經結於腸始
生疝毒小腹
虛或腹痞或
時鎖背其驗
也

散諸如苦茶
治腸道上寒

不節飲食。不適寒溫。或積垢瘀凝。或敗血畱滯。壅
塞不行。久鬱化熱。久熱腐膿。而癰斯成矣。如小腹
腫痞皮急。按之則痛。小便數如淋。或復自調。時或
發熱。或自汗惡寒。身如甲錯。外無熱。內無積聚。而
見上證者。皆腸癰之候也。甚者腹脹大。轉側有水
聲。或繞臍生瘡。或膿自臍出。或大便出。其脉數者。
小有膿也。洪數滑數者。大有膿也。宜薏苡附子敗醬散遲緊。
或微濇而緊者。未有膿也。宜大黃牡丹湯萬氏桃仁承氣湯加連翹秦艽

入風者加防風。準
繩。蟬。禁。九。亦。効。

鬱結成熱。其熱自實。熱實則脉

之滑數。不言可知。若數而無熱。則數爲虛促之數。
非熱所鼓。不唯不實。而與腹中相應之關脉。亦且
芤虛矣。雖見諸證。未必成膿。設的確有癰。亦瘀凝
之血耳。蓋血瘀聚於腸腹。則流行之脉道中。反覺
空虛。故脉芤也。若脉微澁而緊者。氣猶滯着。飲實。
未化膿也。下之足以蕩其畱結之邪。若脉緊滑數。
熱已沸湧消熔。膿已成也。下之反以奪其生新之

當下不當下
此死生之機

佑腎白腸癰
 之脈當滑數
 今數而不滑
 知虛而有熱
 也去邪熱用
 意以敗醬散
 虛寒用附子
 有附子之力
 則藥義易
 行真妙方也

力。即癰瘍未潰。宜瀉實。已潰。宜補虛義。

附方

薏苡附子敗醬散 治腸癰為病。其身甲錯。腹皮

急。按之濡。如腫狀。腹無積聚。身無熱。脈數。此

腸內有癰膿也。此方主之。

薏苡仁

十分

附子

二分

敗醬

五分

右三味。杵為末。取方寸匕。以水二升。煎減半。頓服。小便當下。

俗醫曰熱壅於腸自當攻下此正法

大黃牡丹湯 治腸癰少腹腫痛按之痛如淋小便自調時時發熱自汗出復惡寒其脈遲緊者膿未成可下之常有血脈洪數者膿已成不可過下總以此方主之

大黃

四兩

牡丹皮

一斤

桃仁

五十個

瓜子

半升

芒硝

三合

右五味以水六升煮取一升去滓內芒硝再煎沸頓服之有膿當下如無膿當下血

萬氏治腸癰方

桃仁承氣湯加秦艽連翹。桃仁承氣湯見第二

薏苡仁湯 治腸癰腹中疔痛煩毒不安或脹滿
不食小便澀婦人產後虛熱多有此病縱非癰
但疑似間便可服。

薏苡仁

瓜蒌仁

各三錢

牡丹皮

去骨

桃仁

各二錢

右作一服水二鍾煎一鍾不拘時服。

按此方。藥品和平。其功且速。常治腹痛。或發熱。或脹滿不食。水道澀滯。產後多有此證。或月經欲行。或行後作痛。尤効。

四聖散 一名神効瓜萸散。治腸癰。癰疽生於腦。髀背腋。及便毒。服之神効。

生黃瓜萸

一枚

粉草

四錢 研末

沒藥

三錢 研末

乳香

一錢 研末

右用好紅酒二大碗。慢火煎至一碗。分作兩服。

兩日服盡。大便順導惡物妙。若乾瓜漿。則用兩
三枚。一方。若病在上。食後服。在下。食前服。毒已
結成。卽膿化爲水。毒未成。卽於小便中出。疾甚
再合服。以退爲度。

神仙蠟礬丸 見第七十四

雲母膏 治一切癰疽瘡癤。折傷等證。

蜀椒 去目及閉口者微炒 白芷 洗藥

赤芍藥 肉桂 當歸

作醫曰瘰癧
 疥癬皆屬無
 溫一榮衛
 不分雲母生
 氣便氣歸天
 氣升則血行
 榮衛自分矣
 諸藥皆為臣
 佐藥花之用
 能化雲母耳
 作醫曰諸香
 細料須將成
 離火投之否
 則香散功減

鹽花	葛蒲	麒麟竭
黃耆	白芨	芎藭
木香	龍膽艸	白欬
防風	厚朴	麝香
桔梗	柴胡	松脂
人參	蒼朮	黃芩
乳香	附子	茯苓
良薑	合歡皮	硝石
	錢各五	

甘艸

雲母各四兩

桑白皮

槐枝

柳枝

柏葉

水銀

以絹另包待膏成以手細彈在上名養膏母

陳皮

各二兩

清油

四十兩

黃丹

二十兩

右除雲母硝石麒麟竭乳香沒藥麝香鹽花黃

丹八味另研外餘藥並細切入油浸七日文火

煎以柳枝不住手攪候匝沸乃下火沸定又上

火如此者三次以藥黑色爲度去滓再熬後入

丹與八味末仍不住手以槐柳枝攪。滴水中成珠。不軟不硬爲度。磁器收貯。候溫將水銀彈上。用時先刮去水銀。或服或貼。隨宜用之。其功甚大也。

排膿散 治腸癰小腹脹痛。脉滑數。或裏急後重。或時時下血。

黃耆

鹽水拌炒

當歸

酒拌

金銀花

白芷

穿山甲

蛤粉炒

防風

連翹

瓜蒌

并

井艸

各一錢

作一劑。水二鍾煎八分。食前服。若膿將盡去穿山甲連翹加當歸川芎。或爲末。每服三錢。食後蜜湯調下亦可。

醫燈續焰卷十四

終

醫燈續焰目錄

卷之十五

胎產脈證第七十七

保生無憂散

八珍湯

見第十六

四物湯

見第二十一

神妙乳砂丹

葵子如聖散

加味芩歸湯

補中益氣湯

見第三十九

龜殼散

十全大補湯

見第十六

平胃散

見第四十四

千金神造湯

半夏湯

束胎丸

逢生散

張氏方

神寢丸

佛手散

三合濟生湯

黑神散

阿膠赤小豆湯

兔腦丸

如神散

黃金散

清魂散

六君子湯

見第十六

當歸建中湯

奪命丹

牛膝湯

失笑散

胡氏法

加桂芎歸湯

紅花酒

荊芥散

白微湯

花薤石散

見第七十四

起枕散

六味地黃丸

見第十六

逍遙散

見第五十一

加味歸脾湯

見第五十一

加味四物湯

烏金散

蒲醋飲子

益母丸

金匱當歸散

白朮湯

縮砂散

三物解毒湯

白扁豆散

豆淋酒

枳實芍藥散

羊肉湯

回生丹

艾附燬宮丸

神方驗胎散

卷之十六

小兒脉證第七十八

盡眉膏

金朱散

生地黄湯

真金散

外臺方

豆豉膏

蘇合香丸

見第十八

辰砂偃毒散

五苓散

見第十七

龍骨散

白芍藥湯

外消散

雙金散

辰砂抱龍丸

雞腸散

外臺方

六味地黃丸

見第十六

瀉黃散

見第四十九

導赤散

見第十七

大黃黃連瀉心湯

見十五

清液散

五福化毒丹

膠黃散

薑蒲丸

肥兒丸

布袋丸

錢氏地黃丸

大啓脾丸

即資生丸見第五十一

參苓白朮散

見第四十三

益黃散

瀉黃散

見前

硃砂安神丸

見第十九

涼膈散

見第十九

花火膏

蟬花散

茅先生抹唇膏

白朮當歸煎

瀉白散

見第四十九

塗龜尿法

補中益氣湯

見第三十九

小兒銅顛藥

麝茸丹

千金楸葉方

榆末散

聖惠神効黑豆膏

千金翼太厚方

清胃湯

見第四十九

雄黃丸

千金白鹽方

靈苑生齒方

柴胡清肝散

湯氏龍黃散

立驗散

錢氏橘連丸

豆豉大丸摩法

譚氏殊聖治客忤方

張渙辟邪膏

竈中黃土方

三物燒髮散

皂角搐鼻法

沉香降氣湯

葱刺鼻法

葛氏肘後灸法

管吹下部法

千金牛舐方

熨兩脇法

治鬼魘死方

雞冠血方

灸法

圖經治鬼持方

外臺深師五邪方

太乙備急散

聖惠木香散

范汪十七物紫參丸

殺羊角散

雄黃散

小兒五種蟲毒方

敗鼓皮方

醫燈續焰卷十五

錢塘後學潘 楫碩甫註

同邑社盟王佑賢聖翼評

王嘉綬青羽

門人宋 輝飛卿校

陳如玦德卿

胎產脉證第七十七

婦人之脉以血爲本。血旺易胎。氣旺難孕。少陰動甚。

謂之有子。尺脉滑利。姙娠可喜。滑痰不散。胎必三月。但痰不散。五月可別。左疾爲男。右疾爲女。女腹如箕。男腹如釜。欲產之脉。其至離經。水下乃產。未下勿驚。新產之脉。緩滑爲吉。實大弦牢。有證則逆。

男爲陽。女爲陰。陽主氣。陰主血。一定之常理也。故女人以血爲本。血旺是爲本足。本足而施之以陽。則生化自全。而成胎亦易易矣。氣旺則血反衰。是爲本不足。且失常理。未有理失常而能孕者也。又

人之身陰靜陽動陰體陽用則血固陰靜也亦體也。凝胎結孕必動由靜始體成用先。是知女人以血勝氣者爲貴。少陰動甚者心手少陰之脉動甚也。心主血動甚則血旺。血旺易胎。故云有子。卽素問平人氣象論所謂婦人手少陰脉動甚者姪子也有子者有姪之謂男女之通稱。非獨指男子如下文所辨則有男女之分矣。尺脉者左右腎脉也。腎爲天一之水。主子宮以繫胞。孕胎之根蒂也。滑

自無不
陰陽和
將之義

利則不枯濇而且育替替含物之象。故喜其妊娠。
卽素問陰陽別論所謂陰搏陽別謂之有子。叔和
脉經所謂尺中之脉按之不絕法妊娠。上文所謂
動甚妊子者同義也。卽此滑利之脉應指疾而不
散。滑爲血液。疾而不散。乃血液欲結之象。是爲有
胎三月矣。若但疾而不散。是從虛漸實。從柔漸剛。
血液堅凝。轉爲形體。故不滑耳。此妊娠五月之脉
狀也。其疾左勝于右。是爲男孕。以男屬陽居主。胎

總不外陰陽
爲釜爲箕已
兄弟象

氣鍾於陽。故左勝。右勝於左。是爲女孕。以女屬陰。
居右。胎氣鍾于陰。故右勝。勝者。甚不甚之謂。非左
疾。右不疾也。更視其腹。如箕者爲女胎。如釜者爲
男胎。蓋男女之孕于胞中。女則面母腹。男則面母
背。雖各肖父母之形。亦陰陽相抱之理。女面腹。則
足膝抵腹。下大上小。故如箕。箕。指箕也。前淺而後深。覆之則高下異。
男面背。則背脊抵腹。其形正圓。故如釜。釜。食鍋也。覆之正圓。
二說女動於腹。動不一處而動甚。男動于腹。舉腹

動而動微。動不一者。四肢也。舉腹動者。背也。歷觀
數說。則男女在胎之仰覆。信不誣矣。及其欲產也。
其脉與十月懷妊。平嘗見者。忽異。假如平日之脉
原浮。臨產則脉忽沉。平日之脉遲。臨產則脉忽數。
至如大小滑濇。臨產皆忽然而異。蓋十月胎氣安
定。一旦欲落。氣血動蕩。胞胎迸裂。自與經常離異。
而脉亦非平昔之狀貌矣。雖然。亦必有水先下。俗
謂之胞漿。養胎之液也。水下。則胞裂而產。不爾。猶

未卽下勿認爲產難而驚訛也。及其已產也。氣血兩虛其脈宜緩滑。緩則得徐。不因氣奪而急促。滑則流利。不因血去而濇枯。均吉兆也。若脈實大弦牢。非產後氣血俱虛者所宜。實爲邪實。大爲邪進。弦爲陰歛而宣布不能。牢爲堅着而瘀凝不解。是皆相逆之脈。設外有證。又豈能順乎。

胎產雜述。

胎屬十二經所養。

古人有胎教
觀此知養胎
之法。因于經
絡極爲鄭重

虞氏曰。脉經云。診其脉。手少陰之脉動甚者。姪子也。蓋手少陰。心脉也。心主血脉故也。又腎爲胞門子戶。尺中腎脉。按之不絕。當姪子也。又婦人妊娠一月之時。足厥陰脉養之。二月足少陽脉養之。三月手厥陰脉養之。四月手少陽脉養之。五月足太陰脉養之。六月足陽明脉養之。七月手太陰脉養之。八月手陽明脉養之。九月足少陰脉養之。十月足太陽脉養之。是以諸經脉各養三十日也。若夫

至期當養之經虛實不調則胎孕爲之不安甚則下血而墮矣夫手足十二經氣血盈虧不同如手足厥陰太陽少氣多血手足太陰少陰少血多氣手足少陽氣多血少手足陽明氣盛血多安胎之法宜各按月依經視其氣血虛實而調之庶無胎墮之患其或感冒風寒別生異證又宜各按法而調治之

治難產三禁

繫古云。治胎產之病。從厥陰經論之。是至氣生化之源也。厥陰與少陽爲表裏。故治法無犯胃氣。及上二焦。有三禁。不可汗。不可下。不可利小便。發汗則傷上焦之陽。利大便則脉數而動。脾利小便則內亡津液。胃中枯燥。製藥之法。能不犯此三禁。則榮衛自和而寒熱止矣。如氣弱。則煎耆血刺痛。而和以當歸。腹中疼而加之芍藥。大抵產病天行。從小柴胡增損雜證。從四物增損。宜詳察脉證而用。

調理諸法母
之死生子之
壽夭係焉胡
可草草

之

胎前調理法

集略云。母之腎藏係于胎。是母之真氣。子之所賴也。受妊之後。宜令鎮靜。則血氣安和。須內遠七情。外薄五味。大冷大熱之物。皆在所禁。使霧露風邪。不得投間而入。亦不得交合陰陽。觸動慾火。謹節飲食。若食兔缺唇。食犬無聲。食雜魚而致瘡癰。心氣大驚而癩疾。腎氣不足而解頤。脾氣不和而羸。

瘦心氣虛乏而神不足。見從母氣。不可不慎也。苟
無胎動胎痛瀉痢及風寒外邪。不可輕易服藥。不
得已在。審度疾勢輕重。藥性高下。不必多品。然父
少母老。產女必羸。母壯父衰。生男必弱。氣受偏萃。
與之補之。補羸女則養血壯脾。補弱男則壯脾節
色。羸女宜及時而嫁。弱男宜待壯而婚。昔人論年
老有子者。男不過八八。女不過七七。則知血氣在
人。固自有量。夫豈逃陰陽之至數哉。

此治胎產大
法圖機之士
不暇枚舉

丹溪曰。胎前當清熱養血。產婦因火逼動胎。逆
上作喘急者。急用條芩香附之類。爲水調下。條芩
水中取沉者爲佳。黃芩安胎。乃上中二焦藥。能
降火下行。天行不息。所以生生而無窮。芩子
治血行氣。有補陰之妙。命名益母。以其行中有補
也。故曰胎前無滯。產後無虛。難產可煎作膏。條
芩白朮。乃安胎聖藥。俗以黃芩爲寒而不用。反謂
溫熱藥能養胎。殊不知胎孕宜清熱養血。使血循

經而不妄行，乃能養胎。懷妊嗜物，乃一臟之虛，如愛酸，乃肝藏不能養胎而虛也。

孕婦食忌

雞肉合糯米食，令子生寸白虫。食犬肉，令子無聲。鯉魚同雞子食，令子生疳多瘡。食兔肉，令子缺唇。食羊肝，令子多厄。食鯨肉，令子項短縮頭。雞子與桑椹同食，令子倒生心寒。鮮魚同田雞食，令子疳癰。雀肉同豆醬食，令子面生

黠黠黑子。食螃蟹。令子橫。食生薑。令子多
指。食水漿。令絕產。食雀肉飲酒。令子多淫無
耻。食茨菰。消胎氣。食驢馬肉。過月難產。豆
醬合藿香。食墮胎。食山羊肉。令子多病。食鯽
鱠無鱗魚。難產。食諸般菌。生子驚風而夭。食
雀腦。令子患雀目。

孕婦藥忌

歌曰。玃斑水蛭及蝨虫。烏頭附子配天雄。野葛水

銀并巴豆。牛膝。慈苳。與蜈蚣。三棱。代赭。芫花。麝。大戟。蛇脫。黃雌雄。牙硝。砒硝。丹皮。桂。槐花。牽牛。皂角。同。半夏。南星。與通草。瞿麥。乾薑。桃仁。通。礪砂。乾漆。蠟。脚爪。地膽。茅根。莫用好。

孕婦起居忌

便產須知云。勿亂服藥。過飲酒。勿針灸舉重。登高涉險。心有大驚。犯之產難。子必顛癇。勿多卧。時時行步。勿勞力過傷。使腎氣不足。生子解顛。腦破不

合。衣母太濕。食母太飽。若脾胃不和。榮衛虛怯。子必羸瘦多病。若自家。及鄰家。修造動土。犯其胎氣。令子破形殞命。刀犯者形必傷。泥犯者竅必塞。打擊者色青黯。繫縛者相拘攣。此皆驗如影響。

候胎法

脉經曰。婦人懷軀七月而不可知。時時切血而轉筋者。此爲軀也。脉經曰。妊娠初時。寸微小。呼吸五至。三月而尺數也。脉滑疾。重以手按之散者。胎

已三月也。脉重手按之不散。但疾不滑者。五月也。
尺脉左偏大爲男。右偏大爲女。左右俱大。產二
子。大者。如實狀。婦人妊娠四月。欲知男女法。左
疾爲男。右疾爲女。俱疾爲生二子。胎經曰。若胎
病不動。欲知生死。令人摸之。如覆杯者。則男。如肘
頸參差起者。女也。觀此說。則前如箕如釜之義。可
然。

逐月養胎法

徐之才云。妊娠一月。名胎胚。宜飲食精熟。酸羹大麥。毋食醒辛。是謂纔正。足厥陰肝養。不可針灸。
其經。如大敦行間太衝中封五里中郄等穴是也。肝主筋及血。血行否澁。不爲力事。寢必安。無令恐畏。

妊娠二月。名始膏。毋食辛臊。居必靜處。男子勿勞百節皆痛。是爲胎始結。足少陽膽養。不可針灸。

其經。

如膽。竅血。墟。付陽。絕骨。外立陽陵泉等穴是也。

膽主精。兒精成。常慎。

護。勿驚動。

妊娠三月名始胎當此之時未有定儀見物而化

欲生男者操弓矢欲生女者弄珠璣欲子美好數

視璧玉欲子賢良端坐清虛是謂外象而內感者

也 手心主包絡養不可針灸其經

如中衝勞官大陵內關間

使鄰門曲澤等穴是也

包絡主脉毋悲哀思慮驚動

妊娠四月始受水精以成血脉食宜粳粳羹宜魚

鴈是謂盛血氣以通耳目而行經絡 手少陽三

焦養不可針灸其經

如關衝陽池內關三陽天非曲垣等穴是也

是時

兒六府成。宜靜形體。和心志。節飲食。

妊娠五月。始受火精。以成其氣。卧必晏起。沐浴浣衣。深其居處。厚其衣服。朝吸天光。以避寒殃。其食稻麥。其羹牛羊。和以菜菹。調以氣味。是謂養氣。以

定五藏。足太陰脾養。不可針灸其經。如隱白大都

丘三陰交漏谷陰脾主四肢。兒四肢成。毋大饑甚。凌泉等穴是也

飽。毋食乾燥炙熱。毋大勞倦。

妊娠六月。始受金精。以成其筋。身欲微勞。毋得靜。

處出遊於野。數觀走犬行馬。食宜鷙鳥猛獸之肉。
是謂變腠理。紉筋。以養其力。以堅背脊。足陽明
胃養。不可針灸其經。如筋先豐隆。陰市上。下。蕤三里等穴是也。兒口目
成。調五味。食甘美。毋太飽。

妊娠七月。始受木精。以成其骨。勞身。擣肢。毋使定
止。動作屈伸。以運血氣。居處必燥。飲食避寒。常食
稻粳。以密腠理。是謂養骨而堅齒。手太陰肺養。
不可針灸其經。如少商魚際列缺尺澤天府等穴是也。肺主皮毛。兒

皮毛已成。勿大言。勿號哭。勿薄衣。勿洗浴。勿寒飲。
妊娠八月。始生精。以成膚革。和心靜息。毋使氣極。
是謂容腠理而澤顏色。手陽明大腸養。不可針。
灸其經。如商陽二間合谷上下廉三陽明主九竅。呈言池肩井肩髃等穴是也

兒九竅成。勿食燥物。及失食。勿忍大便。

妊娠九月。始受石精。以成皮毛。六府百節。無不畢
備。飲醴食甘。緩帶自持。而待之。是謂養毛髮。致才
力。足少陰腎養。不可針灸其經。如湧泉然谷太

胎等穴。腎主續縷。兒脉絡續縷皆成。勿處溫冷。勿
是也。着灸衣。

妊娠十月。五藏俱備。六府齊通。納天地氣于丹田。
關節入神。皆備。但俟時而生。

妊娠一月。始胚。二月始膏。三月始胞。四月形體成。
五月能動。六月筋骨力。七月毛髮生。八月藏府具。
九月穀氣入胃。十月諸神備。卽產矣。宜服滑胎束
胎等藥。入月卽服。

臨產調理

妊娠臨月。最要安神定慮。常步履。勿多睡。飽食。過飲酒。及雜藥。宜先貼產圖。依位鋪床帳。預請老練穩婆。備辦湯藥器物。欲產時。不可多人喧鬧。但用老婦二人扶行。及凭物站立。若見漿水。腰腹痛甚。是胎難經。令產母仰卧。令兒轉身。若兒頭向產門。方可用藥催生坐草。若心煩。用水調服白蜜一匙。覺饑。喫糜粥少許。勿令饑渴。恐乏其力。不可強服。

早服催生滑胎等藥。及早於坐草。使穩婆亂動手。
薛氏曰。欲產之時。覺腹內轉動。卽當正身仰臥。待
兒轉身向下。時作痛。試捏產婦手中指中節。或本
節跳動。方與臨盆。卽產矣。若初覺。不仰臥以待轉
胞。或未產而水頻下。此胞衣已破。血水先乾。必有
逆生難產之患。若胎衣破而不得分娩者。保生無
憂散以固其血。自然生息。如血已耗。用八珍湯料
一斤。益母艸半斤。水數十碗。煎熟。不時飲之。亦有

得生者。凡孕婦只腹痛。未產也。若連腰痛甚者。將產也。蓋腎侯於腰。胞繫於腎故也。凡孕家。宜預請有仁心知事穩婆。先與說知。倘有生息不順。只說未產。或遇雙胎。只說胞衣未下。恐驚則氣散。愈難生息。

產值盛暑。或血暈血溢。當飲清水解之。冬末春初。產室用火和煖。下部衣服當溫厚。方免胎寒血結。若臨月洗頭足。亦致難產。

胞漿先破。惡水來多。胎乾不得下。須先與四物湯。補養血氣。次濃煎芎湯。放溫令坐婆洗產戶。須是軟曲洗。令氣上下通暢。更用酥油滑石末塗產口裏。次服神妙乳硃丹。或葵子如聖散。

楊子建十產論

一曰正產。十月滿足。忽腰腹作陣。疼痛相似。胎氣頓陷。至于臍腹痛極。乃至腰間重痛。殺道挺逆。繼之漿破血出。兒乃遂生。

二曰傷產。蓋人之生。各有時日。不可改易。今有未
產一月前。忽然臍腹疼痛。有如欲產。仍無事。是名
試月。非正產也。但產母未有正產之候。不可令人
抱腰。產母亦不可妄亂用力。蓋欲產之時。臍腹疼
痛。兒身未順。收生者。却教產母早用力。兒身纔轉
動。即便用力一逼。使兒錯路。忽橫忽倒。不能正生。
皆緣產母用力未當所致。必須待兒順身逼戶。方
始用力一送。令兒下生。此方是母之用力當也。若

未有正產之候。而用力早。妄服藥。譬如揠苗助長。無益有害。

三曰催產。欲產時。漿破血下。臍腹作陣疼痛。腰重。數道挺逆。已見正產之候。但未生下。可服藥以催之。或有經及數日。產母困苦。明是正產之候。但兒難生。亦可服藥。以助母正氣。兒乃得下。

四曰凍產。冬月天冷。經血得冷。則凝。以致兒不能下。此害最深。若冬月產者。下部不可去綿衣。并不

可坐卧冷處。當沸房著火。常有煖氣。令母背身向火。令臍下腿膝間常煖。血煖則流利易生。

五曰熱產。盛夏之月。要溫涼得所。勿恣意取涼。致傷胎氣。亦不可人多。熱氣逼母。使母血沸。致有發熱頭疼。面赤如醉。不知人事者。

六曰橫產。兒先露手。或先露臂。此由母未當用力。而用之太過也。兒身未順。用力一逼。遂至身橫。不能生下。當令母安然仰卧。後令看生人。先推其手。

令入直上。漸漸逼身。以中指摩其肩。推上正之。或以手攀其耳而正之。須是母仰臥。然後推兒直上。徐徐正之。候其身正。服催生藥一盞。方用力令兒下生。

七曰倒產。產母胎氣不足。關鍵不牢。用力太早。致兒不能迴轉。便直下。先露其足。當令母仰臥。令看生人推其足入。不可令母用力。亦不得驚恐。使兒自順。

八曰偏產。兒身未正。母用力過早。致兒頭偏在左。或偏在右。故頭雖露。偏在一畔。不能生下。當令母仰臥。次令看生人。輕輕推兒近上。以手正其頭。令兒頭端正。然後令母用力一送。即便生下。若是小兒頭後骨偏在穀道。只露其額。當令看生人。以綿衣炙溫。裹手於穀道外。輕輕推兒頭正。便令母送兒生也。

九曰礙產。兒身已順而露正頂。不能生下。蓋因兒

身回轉。肚帶扳其肩。以此露正頂而不能生。當令
母仰卧。令看生人輕推兒近上。徐徐引手以中指
按兒肩下。換其肚帶。仍須候兒身正順。方令母用
力送。令兒生下。

十曰坐產。兒將生。其母疲倦。久坐荷褥。抵其生路。
急於高處。繫一手巾。令母以手攀之。輕輕屈足坐
身。令兒生下。非坐在物上也。

更有盤腸產者。臨產母腸先出。然後兒生。若產後

腸不收甚楚。卽以醋半盞。新汲水七分調勻。喫母面。每喫一納。三喫縮盡。此良法也。

交骨不開。交骨不開。產門不開。皆元氣素弱。胎

前失調。以致血氣不能運達而然。交骨不開。陰氣

虛。宜加味芎歸湯補中產門不開。氣血虛。宜十全

胎死腹中。子死腹中者。多因驚動太早。或犯禁

忌。致令產難。胞漿已破。無血養胎。枯涸而死。須驗

產母舌青黑。其胎死矣。當下之。宜平胃散加神

湯之類。大法寒者熱以行之。熱者涼以行之。燥者滑

以潤之。危急者毒藥下之。下宜朴硝之類。

臨產束胎

臨產束胎。瘦歛則易生。

宜束胎丸達生散張氏方

保生無憂散
神效丸之類

臨產催生

催生大法。滑以流通。澀滯苦以驅逐。

閉塞香以開竅。逐血氣滯者行氣。胞漿先破。疾困

者固血。

宜佛手散三合濟生湯黑神散阿膠赤小豆湯羌活丸如神散黃金散之類

產後調理

凡產畢。飲熱童便一盞。不得便臥。宜開目坐。須臾
上牀。宜仰臥。不宜側。宜豎膝。未可伸足。高倚牀頭。
厚鋪褥褥。遮圍四壁。使無孔隙。免致賊風。及以醋
塗鼻。或用醋炭。及燒漆器。更以手從心掩按至臍
下。使惡露不滯。如此三日。以防血暈血逆。不問腹
痛不痛。有病無病。以童便和酒半盞。溫服五七服。
酒雖行血。亦不可多。能發昏暈。宜頻食白粥少許。
一月後。宜食羊肉猪蹄少許。仍慎言語七情。寒暑。

梳頭洗足。以百日爲度。若氣血素弱者。不計日月。否則患手足腰腿痠痛等證。名曰蓐勞。最難治療。初產時。不可問是男是女。恐因言語而洩氣。或以愛憎而動氣。皆能致病。不可獨宿。恐致虛驚。不可問吉。恐傷心氣。不可漱齒。恐致血逆。須氣血平復。方可治事。犯時微若秋毫。成病重如山嶽。可不戒哉。產婦將息如法。藏府調和。庶無疾苦。須先服黑神散。四物湯。若壯熱頭痛。此乳脈將行。頭目不清。

是血暈。用清魂散。粥食不美。是胃氣虛。

宜六君子湯當歸建

中湯陳藏器云。黃芩汁與產婦服之。將芩麻與婦人絞之。止血暈。產婦腹痛。置芩于腹上。則止。

產後宜補。

丹溪曰。產後當大補氣血。雖有雜證。

以末治之。○產後補虛。用參、朮、黃耆、陳皮、當歸、川

芎、炙甘草。如發熱。輕則加茯苓、淡滲之。其熱自除。

重則加乾薑。○凡產後有病。先固氣血。○產後一

切病。多是血虛。皆不可表。

新產三病。

仲景云。問新產婦人有三病。一者病。

瘧。二者病鬱胃。三者大便難。何謂也。師曰。新產血虛。多汗出。喜中風。故令病瘧。亡血復汗。寒多。故令鬱胃。亡津液。胃燥。故大便難。鬱胃。即今所謂血虛也。

千金云。凡產後滿百日。乃可會合。不爾。至使虛羸。百疾滋長。慎之。凡婦人患風氣。臍下虛冷。莫不由此。早行房故也。

產後脉法。脉經曰。診婦人生產之後。寸口脉洪疾不調者死。沉微附骨不絕者生。○婦人新產乳

子。脉沉小滑者生。實大堅弦急者死。

丹溪曰。產前脉細小。產後脉洪大者。多死。○又曰。產前脉當洪數。既產而脉洪數如故者。至多死。

胞衣不下。胞衣不下者。謂之息胞。由產初用力。比兒出而體已疲憊。不復能用力。產胞停畱間。而或外冷乘之。則血道澁。故不下。須急以方藥救治。不妨害於兒。所奈者。胞繫連兒臍。胞不出。卽不得以時斷臍。浴洗冷氣傷兒。則成病也。舊法胞衣不

出。恐損兒者。依法截臍而已。產處須順四時方向。
并避五行禁忌。若有觸犯。多令產婦難產。

郭稽中曰。胞衣不下。亦有流血入衣中。衣爲血所
脹。故不得下。治之稍緩。脹滿腹中。以次上衝心胸。
疼痛喘急者難治。但服奪命丹。以逐去衣中之血。
血散脹消。衣自下也。牛膝湯亦効。

薛氏曰。有因惡露入衣。脹而不能出。有因元氣虧
損而不能送出。其惡露流衣中者。腹中脹痛。用奪

命丹。或失笑散并胡氏法之類。以消瘀血。緩則不救。其元氣不能送者。腹中不脹痛。用保生無憂散。以固補元氣。或用草麻子肉一兩。細研成膏。塗母右足心。衣下卽洗去。緩則腸亦出。如腸不收。仍用此膏塗腦頂。則腸自入。或加桂芩歸丸。紅花酒之類。

血暈

附厥逆

大全云。產後血暈者。由敗血流入肝經。以致眼黑頭旋。不能起坐。甚至昏悶。不省人事。

謂之血暈。以細酒調黑神散服。若作暗風中風治之誤矣。有血熱乘風。逆上。奏心。以致昏迷不省。氣閉欲絕者。服童便最好。然其由有三。有用心勞力過多而暈者。有下血過多而暈者。有下血少而暈者。其暈雖同。治之則異。當審詳之。下血多而暈者。昏而煩亂。當以補血清心。下血少而暈者。乃惡露不下而上搶。心下清急。神昏口噤。絕不知人。當以破血行血藥。古法云。產婦分娩訖。預將秤錘。或黃

石硬炭燒令通赤置器中。急於床前以醋沃之。得醋氣可除血暈。產後一月內時作為妙。崔氏云。凡暈者皆是虛熱。血氣奔迸。腹中空虛所致。欲分娩者第一須先取醋以塗口鼻。仍置醋于傍。使聞其氣。兼細細飲之。此為上法。如覺暈。即以醋喫面。甦來即飲醋。仍少與解之。一云仍少與水解之。一法燒乾漆令烟漲。薰產母面即甦。如無乾漆取舊漆器火燒烟薰亦妙。血暈用藥。宜清遠散失其散等歸湯制茶散白散湯之類。

樛曰此方以
佛手提方神
氣血調製
後以枳殼木
香和氣乳香
血餘和血守
使兩得方也

保生無憂散 治妊娠身居安逸。口祿并肥。憂樂

不常。食物不節。致胞胎肥厚。根蒂堅牢。或瘦人

血少胎弱。臨蓐難產。入月服之。則易生也。

當歸

川芎

白芍藥

枳殼

疑炒

木香

甘草

炙各一錢半

乳香

另研

血餘

燒存性另研各五分

右作一服水煎。入乳香血餘和勻。不拘時服。

八珍湯

見第十六

四物湯

見第二十一

神妙乳砂丹

治難產

明乳香爲末。以猪心血爲丸。如桐子。硃砂爲衣。
日乾。每服一九。嚼碎冷酒下。良久未生。再服。或
以蓮葉蒂七個。水煎化服二丸。良久未生。再服。
葵子如聖散 催生

黃蜀葵子。不拘多少。焙乾爲末。熱酒調下二錢。
神効。如無子。花亦可。若胎漏血乾難產。痛極。

者并進三服。良久腹中氣寬胎滑卽產。須見正產候方可服之。如打撲死胎。紅花酒下。

加味芎歸湯 產後血氣虛。感風寒。頭疼寒熱。

當歸

川芎

各二錢

紫蘇

乾葛

各一錢

右剉加生薑三片。水煎服。

補中益氣湯

見第三十九

龜殼散 治交骨不開。不能生產。

當歸

川芎

敗龜板

酥炙

婦人頭髮

生長過者一
把燒存性

右爲散每服五錢水煎服約人行五里卽生如
胎死不下灼過龜板亦可。

十全大補湯

見第十六

平胃散

見第四十四

千金神造湯

治動胎及產難子死腹中或產後

兩兒一死一生服之令死者出生者安神驗莫

韓曰胃氣失
利破壞胎而
出死此神和
緩其申土以

安生河沙治
 潤養陰為健
 非聖藥至若
 一二三取數
 之類各取
 取動則不息
 望水改酒
 下未利宜取
 生與薑湯取
 煎藥為自忌
 外信補是也

測。

蟹爪 一

芩艸 二

阿膠 三

右三味以東流水一斗先煮蟹爪芩艸得三升
 去滓次內膠令烊頓服之不能下再服若人昏
 牙緊拘口內藥藥入即活煎藥作東向竈用葦
 薪煮之

半夏湯 治胎衣不下或子死腹中或血衝上昏
 悶或血暴下及胞乾而不能產者

半夏麴

半一兩

桂

去皮七錢半

大黃

五錢

桃仁

三十粒去皮尖炒

右爲麴末。先服四物湯一二服。次用此藥二錢。

生薑三片。水煎服。如未効。次服下胎丸。

束胎丸 胎瘦易生。服至產則已。

白朮

枳殼

去穢炒各等分

爲末。燒飯丸如桐子大。八月一日。食前服三五

十丸。溫水下。

坤曰辛辛七
月曰辛遂即
春也遂生即
早生也其言

遂生散 八九個月內服十數貼易產。

大腹皮 錢三 人參 陳皮

紫蘇莖葉 各五分 歸身尾 白朮

白芍藥 錢各一 甘草 錢二

右作一服。入青葱五葉。黃楊腦七個。即黃楊樹葉稍兒食

少胎瘦者 水煎服。○或加枳殼砂仁。○春加川

芩。○夏加黃芩。○秋加澤瀉。○冬加砂仁。○氣

虛。倍參朮。○氣實。加香附陳皮。○血虛。加當歸

地黃。○形實倍紫蘇。○性急多怒加黃連柴胡。
○熱甚加黃芩。○濕熱加滑石半夏。○食積加
山楂。○食後易饑倍黃楊腦。○腹痛加木香官
桂。

張氏方 治妊娠胎肥壅隘動止艱辛臨月服之
縮胎易產兼治腸中諸疾下氣寬膈。

枳殼

五兩

甘草

一兩半

香附子

三兩炒去毛

右爲末。薑湯點服。如丈夫婦人。冷氣攻刺。脇肋

疼痛者。用葱白三寸。同煎服。○婦人脾寒。血氣成塊作痛。熱酒調服。○大小便不通。白牽牛湯調服。

神寢丸 瘦胎滑利易產。臨月服之神効。

通明乳香

半兩
另研

枳殼

楚炒
一兩

爲末。煉蜜丸如桐子大。每三十丸。空心溫酒下。

佛手散

治妊娠因事仆跌子死腹中。惡露妄行。

疼痛不已。口噤欲絕。用此藥探之。若子死腹中。

立便逐下。若腹痛隨止。子母俱安。又治臨產艱
難。胞衣不下。及產後血暈。不省人事。狀如中風。
血崩惡露不止。腹中血刺疼痛。血滯浮腫。血入
心經。語言顛倒。如見鬼神。血風相搏。身熱頭痛。
或似瘧非瘧。一切胎前產後。危急狼狽。垂死等
證。並皆治之。○丹溪云。催生只用佛手散。最穩
當。又効捷。

當歸

酒洗去蘆一兩

川芎

七錢一方各等分

右細剉。分作四分。每服先用水一盞。煎將乾。投酒一盞半。煎五七沸。溫服。如口噤。掣開灌之。如人行五里許。再灌一服。盡此四服。便產神驗。○如產難倒橫。子死腹中。先用黑豆炒熟。入白水。童便各一盞。用藥四錢煎服。○如胞產五七日。不下垂死。及矮石女子。交骨不開者。加龜板。并生育過婦人頭髮。燒灰爲末。每三錢酒調服。

三合濟生湯 以枳殼芩歸蓬生三方。抽其精粹

而成合此湯治臨產艱難雖一二日不下者服此自然轉動下生。

當歸

三錢

川芎

枳殼

辨炒各二錢

香附子

炒一錢

蘇葉

八分

粉草

七分

大腹皮

薑汁洗一錢半

右用水煎待要腹痛甚服之即產。○一方加白

芷一錢。

黑神散

一名催生如神散

治橫生逆產其功甚大並治

胎前產後虛損。月水不止。崩漏等證。

百神霜

白芷

不見火
各等分

右爲末。每服二錢。以童便米醋和如膏。加沸湯調下。或童便酒煎進二服。然血得黑則止。此藥大能固血。又免血涸甚妙。○一方加白滑石。煎芎歸湯調下。

阿膠赤小豆湯 治難產累日。氣力乏盡。不得生。

此是宿有病者。宜此方。

阿膠二兩

赤小豆二升

右以水九升。煮豆令熟去滓。內膠令烊。每服五合。不覺更服。不過三服卽出。

兔腦丸

一名催生丹

治難產及橫生逆產。

兔腦

脫片者去皮。其研如膏。

明乳香

二錢半細研

母丁香

爲末一錢

麝香

一字另研細

右研勻。用兔腦髓和爲丸。如雞頭大。陰乾。油紙封裹。每一丸。破水後。溫水下。卽產。隨男左女右。

手握藥出。

如神散 催生累効。理則難通。

用路上草鞋一雙。取鼻梁上繩。洗淨燒灰。童便和酒調下三錢。一名千里馬。

黃金散 治生產一二日。難分娩者。服之如神。

真金箔。大者五片。小者七片。以小磁鍾。將水少許。去紙入箔在內。用指研勻。後再添水至半鍾。一面先令一人扶產婦虛坐。又令一婦人用兩

手大指。按定產母兩肩。上肩井穴。前藥溫服。其胎卽下。○此催生聖藥。如產月未足。又能安之。清魂散。產後血暈者。氣血暴虛。未得安靜。血隨氣上。迷亂心神。故眼前生花。極甚者。令人悶絕。不知人。口噤神昏。氣冷。宜先取乾漆。或漆器。燒鼻中熏之。頻置醋炭房內。次進此藥。卽醒。

澤蘭葉

人參

各二錢半

川芎

半兩

荆芥穗

一兩

右爲細末。每服二錢。用溫酒熱湯各半盞。或入
童便調。惡灌之下。咽服。卽開。氣定卽醒。

六君子湯

見第十六

當歸建中湯 治產後勞傷。虛羸不足。腹中疼痛。
呼吸少氣。小腹拘急。痛連腰背。時自汗出。不思
飲食。產訖直至月滿。一日三服。令人身壯強健。

當歸

四兩

白芍

六兩

桂心

三兩

黃耆

一兩半

右生。每服四錢。加鹽棗水煎。入飴糖一塊再煎。稍熱服。○如崩中衄血。加阿膠。地黃。

奪命丹 治胎衣不下。蓋兒之初生。惡血流入衣中。爲血所脹塞。故不得下。須臾冲上。逼心。卽死。急服此藥。

黑附子 炮五錢

牡丹皮 一兩

乾漆 炒烟盡三錢五分

右爲細末。用米醋一升。大黃末一兩。同煮成膏。和前藥爲丸。如桐子大。每服五七丸。溫酒下。

牛膝湯 治胞衣不出。臍腹堅脹。急痛。卽殺人。服此藥。胞卽爛下。死胎亦下。

牛膝

瞿麥

各四兩

當歸尾

通草

各六兩

滑石

八兩

葵子

五兩

一方有桂心二兩。

右細切。以水九升。煮取三升。分三服。

失笑散 產後惡血上攻。心腹疔痛欲死。及兒枕痛。或牙關緊急。一服可愈。

蒲黃炒

五靈脂各一錢

右爲細末。作一服。用醪醑調服。入水一盞煎服。

胡氏法

治產後胞衣不下。惟有花蘼石散一件。最爲要緊。若鄉居藥局遺者。倉卒無之。今有一妙法。產訖。胞衣不下。稍久。則血流胞中。爲血所脹。上衝心胸。喘急疼痛。必致危篤。若有此症。宜急斷臍帶。以少物繫帶。必用力牢固繫之。然後絕斷。使

其子血脉。不潮入胞中。胞衣自當痿縮而下。縱淹延數日。亦不害人。累驗。

加桂芎歸湯。有胞衣不下。因產母元氣虛薄者。以此溫之自下。

川芎

當歸 各二錢

官桂

四錢

右剉一服。水煎服。

紅花酒

紅花

一兩

酒煮濃汁服。○如口噤。幹開灌之。速効。

芎歸湯

卽佛手散

荆芥散 治產後風虛血暈精神昏昧。

荆芥

一兩
三錢

桃仁

炒五
錢

右爲細末。溫水調下三錢。○微喘。加杏仁炒。并
草各三錢。

白薇湯 治產後胃弱不食。脉微多汗。亡血發厥。

鬱冒等症。

白薇

當歸

各六錢

人參

三錢

甘草

半錢

右切分作二帖水煎服

花薷石散

見第七十四

起枕散 治產後惡血不行心腹及兒枕作痛甚

危。

當歸

白芍藥

酒炒各三錢

川芎

二錢

官桂

玄胡索

牡丹皮

蒲黃 炒

五靈脂 炒

沒藥 各一錢

白芷 一錢

右剉水煎入童便空心服。

六味地黃丸 見第十六

逍遙散 見第五十一

加味歸脾湯 即歸脾湯加柴胡牡丹皮
見第五十八

加味四物湯 治產後血崩如豆汁紫黑過多者。

當歸

川芎

芍藥

生地黄

蒲黄

阿膠

斷根

白芷

右水煎服。

烏金散 治產後血迷血暈。敗血不止。淋瀝不斷。

臍腹疼痛。昏眩多汗無力。及崩中下血不止。

麒麟竭

男子亂髮灰

松墨

煨醋
淬

百草霜

當歸

肉桂

赤芍

延胡索

鯉魚鱗

燒存性
各等分

右爲末。每服二錢。空心溫酒調下。

蒲醋飲子 治新產瘀血。逐敗滋新。此藥治血神
効。又非黑神散之可比也。月內每日一二服尤
良。及療一切惡露與血積。

真蒲黃不拘多少。熬米醋令稠。和藥成膏。每服
一彈子大。食前醋湯化開服。

陰陽和而後孕。孕固有天成自然之妙也。不諳
者。乃一意珍護。時進湯丸。久久氣血偏勝。反致

胎氣不安。及半產艱生者多矣。故胎前諸方不備錄。然有不得已者。於下外附驗過方中求之。

外附胎產驗過方

益母丸

又名千金保胎丸

凡女人受孕。經三月而胎墮

者。雖氣血不足。乃中衝脉有傷。中衝脉。即陽明胃經。供應胎孕。至此時。必須節飲食。絕慾。戒怒。庶免小產之患。服此可以保全。

白朮

土炒

熟地黃

薑汁炒

杜仲

薑汁炒各四兩

當歸酒洗

續斷酒洗

阿膠蛤粉炒

香附米西製

益母草

條芩炒各二兩

陳皮

川芎

艾葉醋炙各一兩

砂仁炒五錢

右爲細末。煮棗肉爲丸。如桐子大。每服百丸。空

心米飲下。

金匱當歸散 此方養血清熱。孕婦宜常服之。如

瘦人血少有熱。胎動不安。素曾半產者。皆宜服。

之以清其源而無後患也。

當歸

川芎

白芍藥

黃芩

各一兩

白朮

二兩

右爲末。每服二錢。酒飲調服。日再服。或用酒糊

爲丸。如桐子大。每服五十丸。茶湯任下。日三服。

白朮湯 治胃虛惡阻吐水。甚至十餘日。水漿不

入者。

白朮

炒一兩

人參

五錢

丁香

二錢半

甘草 一錢

右爲細末，每服二錢，加生薑五片，水煎，食前溫服。

縮砂散 治妊娠胃虛氣逆，嘔吐不食。

縮砂仁爲末，每服二錢，生薑湯或米飲調服。

三物解毒湯 治誤服毒藥動胎。

甘草

黑豆

淡竹葉各等分

右用水煎濃服。

精白扁豆
 能去非去
 就不出胞能
 如之豈不陰
 乎
 山曰餘血水
 氣不淨腎家
 大虛黑豆腎
 之穀補腎而
 復以酒行其
 藥得理之方

白扁豆散 治姙娠誤服諸般毒藥動胎欲墮。

白扁豆生去皮爲細末米飲調服方寸匕神効或濃煎亦可。

豆淋酒 治產後猶有餘血水氣者

黑豆五升熬令烟盡投磁器內以酒一斗淬之飲蓋豆淋酒治汚血又能發表也

枳實芍藥散 金匱云產後腹痛煩滿不得卧此方主之。

枳實

炒令黑
勿太過

芍藥

各等分

右杵爲散。服方寸匕。日三服。並主癰膿。以麥粥下之。

羊肉湯 治產婦脾虛爲寒邪所乘。以致腹痛。及

寒月生產。寒氣入于產門。臍下脹滿。手不可犯。

精竭羊肉

四兩

當歸

川芎

各半兩

生薑

一兩

右以水十盞。酒三盞。煎至四盞。分四次。空心服。

加葱鹽亦可。

衍義云：一婦人產當寒月，寒氣入產門，臍滿手不得犯，此寒疝也。醫將治之以抵當湯，謂其有瘀血耳。予教之曰：非其治也。可服張仲景羊肉湯，少減作二服愈。

回生丹 治產後瘀積等症。

大黃

一斤爲細末

蘇木

三兩到用河水五碗煎汁三碗

黑豆

三升煮熟取汁三碗

紅花

三兩酒四碗煎汁三碗

右將大黃末。以好醋二斤攪勻。以文武火熬成膏。次下三項汁。攪開大黃膏。再熬成膏。如有鍋

炆。焙乾入在後藥。

當歸

川芎

白茯苓

薏苡

香附

玄胡索

桃仁

蒲黃

牛膝

各一兩

白芍藥

甘艸

陳皮

木香

三稜

五靈脂

羌活

地榆

山茱肉

錢各五

人參

白朮

木瓜

青皮

錢各三

良薑

錢四

乳香

沒藥

錢各二

同末。大黃膏爲丸。如彈子大。每服一丸。好酒化下。

艾附煖宮丸 治婦人經水不調。小腹時痛。赤白

帶下。子宮寒冷。

香附

四製一斤

艾葉

醋浸炒

當歸

川芎

白芍藥

酒炒

熟地黃

薑汁炒各一兩

玄胡索

炒一兩

甘艸

生用八錢

右爲細末。醋糊丸。如桐子大。每服七八十丸。米

湯酒任下。

神方驗胎散 兩三個月。月經不行。疑而未決。此

藥探之。

真雀腦芩

一兩

當歸

全用重一兩者只用七錢

爲細末。分作二服。濃煎好艾湯一盞調下。或好酒調服亦得。可待三兩個時辰。覺臍腹微動而頻。卽有胎也。動罷卽愈。安穩無虞。如不是胎。卽不動。所滯惡物自行。如服藥不覺効。再煎紅花湯調下。